

洛塘周氏家乘

卷柒下

卷捌

第柒冊

江圖書館





浙江圖書館

世傳畧四

六十五世

秉銓

改名辰吉

字典三號謙谷勲懋長子邑廩生生乾隆壬子正月

廿七午時配陸氏庠生

名

人鑑女生乾隆庚戌二月初九午

時

在恩字汝豐號一郊勲常長子邑庠生生嘉慶戊辰二月十八

辰時配奚氏太學生

名

鴻倉女生嘉慶丙寅十二月廿二子時

生女一

英字蘭如號湘芷勲崇長子太學生生乾隆己酉十二月廿九

午時配謝氏兵馬司指揮

名

慶鐘女生乾隆癸丑十二月廿



七年時生女一

荃字德音勲崇三子生嘉慶甲子十二月廿七午時配錢氏太

學生名世雋女生嘉慶辛酉十二月廿七卯時生子昌盈

嗣馥字晉宣號樹香勲元長子屢困小試終不售抑鬱而卒生

乾隆甲辰八月廿四酉時卒道光丙戌七月廿一巳時配姚

氏廩生名繩祖女生乾隆己酉六月初九卯時生女一

文聖三倫次子配許氏生子祥禎祥年

士龍順高子配沈氏

士貴國珍嗣子配虞氏生子昌東

錦連字季壽岳年長子配裴氏生子玉珍學明學倫

絳雲岳年次子配殷氏生子鳳祥天祥有祥

茂翔岳齡長子配陳氏生子鳴昌

永錫字錦雲岳齡次子配鄧氏生子鳴貴鳴慶鳴祥鳴奇

永芳字儀表岳齡三子配吳氏生子鳴和鳴忠

永珍岳齡四子配祝氏生子鳴奎鳴政

宏道岳明子配李氏生子奇昌

茂勤岳生子配沈氏生子鳴遠

永椿字樹庭德成子配沈氏生子昌志

永珍德元長子配許氏生子昌茂

永祥德元次子配張氏生子昌鎬

永高德元三子配王氏生子昌餘

永盛德元四子配蔡氏繼配聞氏生子昌新昌茂昌頤

永安德浦子配姚氏生子昌才昌源昌榮

永元德文長子配孫氏生子昌其昌培

永廷德文次子配浦氏生子昌麟

永盛德明子生子昌龍

永齡德本子配崔氏

永順德嘉子配楊氏

永明字照元德培子配凌氏

永成世謹子配蔡氏生子天有鳳龍

永琳世珍子配張氏繼配鄒氏

永真世珍次子配鄒氏

永順世恒子配金氏繼配金氏生子昌明昌奕

永相世英子配楊氏

永奇世華子配余氏生子昌大

永瑞德心子配沈氏生子昌年昌安昌盛

永德如松長子配張氏生子昌畿昌仁

永錫如松次子配朱氏生子昌恒昌濶

永明如松三子配胡氏生子昌茂昌隆昌豐

世龍維懌子配朱氏生子昌臯昌鳩

世良字軼羣維璋長子生嘉慶庚申八月十六亥時配程氏生
嘉慶己未十月初五午時

世明字鑑三維璋次子生嘉慶己巳十月初五寅時配朱氏生
嘉慶己巳八月二十申時

世慶維琳子配徐氏

世承維槐子生嘉慶乙丑正月廿四申時配董氏生嘉慶乙丑
十二月十一卯時生子昌廷

世增字振之加進子生乾隆庚子四月初六子時卒嘉慶乙亥
正月初二卯時配張氏生乾隆庚子正月廿四日生子昌元

昌奇昌言昌義

世鴻維貞子生嘉慶庚申十一月初十日配潘氏

世揚加官子生乾隆己酉十二月十二卯時卒道光甲申七月

初一戌時配 氏生子昌恭

承熙慶餘子配胡氏

承增德昌子配郭氏

南陽聖高長子配趙氏生子昌宏昌義

南林聖高次子配姚氏生子昌德昌先昌倫

承年聖高三子配李氏

鞏南曰庠子生子槐卿

維新曰圻長子配楊氏繼配魏氏青年守志生遺腹子 名壽二

歲而歿撫姪如子乾隆四十年繼嗣佩呈請題旌入祠

事詳州志

維烈字乾豐曰圻次子性孝友訓子義方配陸氏生子佩

維藩字湛斯嗣處子邑庠生援例歸部効用選授四川綿竹縣

典史未任卒於京邸性好讀書工詩詞配浦氏秉性貞淑家

貧撫一孤成立婚娶長子不承其年復撫孤孫鄉里賢之生

子觀成序允

奇昌士德子配鄒氏生子高倫高元高宣

文榮理德子配張氏生子明高

武榮理德次子配陳氏生子昌加昌元昌瑞

永俊字和尚聚良長子配朱氏繼配陳氏生子昌隆昌乾

永聖字貴龍聚良次子配陳氏生子昌倫

永年聚天長子配陳氏生子昌林

永勝聚天三子配章氏

永賢聚高子配李氏生子昌盛

永祥乘龍子配錢氏生子順龍順高

永安祥雲長子配張氏生子昌瑞昌順

永相祥雲次子配傅氏

永凝瑞雲長子配朱氏生子昌熾昌頤

永康瑞次子配朱氏生子昌榮

永金瑞雲三子配張氏

永高德全子配張氏

永仁字孔傳德宏長子配姚氏生子昌臣

永智德宏次子配楊氏生子昌瑞

永良德宏三子配氏生子昌輔

永凝德廣長子配胡氏生子昌元

永利德廣次子配丁氏生子昌亨

永文德順長子配潘氏生子昌敘

永瑞德祥長子配柴氏生子昌會

永亨德祥次子配蔣氏生子昌勝昌良

永秀德魁長子配姚氏生子兆昌瑞昌仁龍

永林字聖加德明長子配顧氏生子昌海

永芳字茂加德明次子配虞氏

永瑞德新子配朱氏

永繼添山子配張氏生子昌華

永椿字岐封財高子配陳氏生子昌麒

永祥德正子配錢氏

永安德昌子配朱氏生子昌順

永如字耀曾德銓長子配張氏繼配鄔氏生子昌文

永裕字耀祖德銓次子配范氏生子昌武

洛陽周氏家系 卷一
永唐字耀先德銓三子配孫氏生子廷良

永和德銓四子配唐氏

永茂德銓五子配徐氏繼配宋氏

會明德楨子配丁氏生子昌源

鳳慶德秀子配宗氏生子福壽長應

永昭字石林德仁子配榮氏生子毓昌廷昌壽昌

開岐采榮長子生康熙己未八月廿八日卒雍正甲辰八月廿

七日配吳氏繼配曹氏生子履仁子君

九生采榮次子配徐氏生子履元繼配倪氏

開魯采昇長子生康熙辛酉十二月廿五戌時卒乾隆辛未九

月初十未時配徐氏生康熙辛酉卒雍正甲辰生子大邦繼配趙氏生康熙壬午卒乾隆己未生子甸邦

且甫采昇次子配 氏生子大宗大有

士安采昇三子生康熙己巳二月初八日卒乾隆戊寅六月初六日配陳氏生康熙戊辰九月廿四日卒乾隆己未三月廿九日生子青標大成年遠繼配顧氏生康熙丙子二月十九辰時卒乾隆庚寅閏五月二十己時

大來采明長子配張氏繼配沈氏無子繼弟尙文子邦懷爲嗣尙文采明次子配朱氏繼配仲氏生子邦藩邦懷邦彥

大文采明三子配張氏生子邦其邦榮繼配賀氏

維安來儀長子配盛氏

永安來儀次子配朱氏繼配徐氏生子聖昭憲昭漢昭文昭

天麒應鳴子配沈氏繼配王氏生子學林秀林漢山

致中字祥書珍長子生嘉慶丙辰六月二十酉時配趙氏生嘉

慶癸亥六月初五卯時

瑞麒珍次子生嘉慶庚申五月初四辰時配馬氏生嘉慶乙丑

二月初五寅時

人和珍三子生嘉慶癸亥十月初二未時配夏氏生嘉慶癸酉

十月初十卯時

廣林珍四子生嘉慶庚午二月廿二子時配呂氏生嘉慶乙亥

正月十九戌時

庶豪字倫高良君長子配浦氏生子昌行昌義昌禮

庶明字時高良志子配傅氏生子肇康

庶禎良相子配柴氏生子財森桂森

庶宏良存子配朱氏生子肇昇肇祥

庶興字佩珩良廷長子例授從九品生乾隆戊午八月十一寅

時卒乾隆甲辰十月十二卯時配陸氏生乾隆丁丑十月初

一卯時卒道光丁亥五月十七戌時生子昌新昌裕

庶華字珮琮良廷次子例授從九品生乾隆壬午閏五月廿四

寅時卒道光乙酉十一月初六卯時配王氏生乾隆庚辰八

月十二酉時卒乾隆庚子十一月初七未時繼配丁氏生乾隆丙子五月十七子時卒嘉慶乙丑五月初一巳時生子昌奇昌魁昌和

庶英字泰來號雲囊良廷二子例授從九品生乾隆丙戌正月十二子時卒嘉慶庚午二月初八辰時配顧氏生乾隆己卯十月十七未時生子昌修昌潤

庶論字達尊號爵一太學生良廷四子生乾隆戊子五月十七戌時配錢氏生乾隆丁亥六月初四子時卒嘉慶戊午十一月二十酉時繼配何氏生乾隆辛卯七月初三午時卒嘉慶丙寅二月廿二亥時三配葉氏生乾隆辛丑十月廿八卯時

卒道光戊子正月廿一亥時生子昌風昌忠昌馨昌芳昌嵩
庶璋字秉和廣譽嗣子生乾隆癸卯十二月十九戌時卒嘉慶
丁丑正月廿四午時配吳氏生乾隆己亥正月初二卯時卒
嘉慶乙亥十一月初十子時生子仁美仁熙仁銓

庶珏字禹行廣大子生乾隆壬子正月廿八卯時卒道光丁亥
十一月十六亥時配顧氏生乾隆戊申九月二十辰時生子
仁爵仁發

庶財良洪子配鄒氏繼配趙氏生子陳祥
庶榮廣明子配杭氏生子仁標仁山仁佳

永陞字陞芬立中子生嘉慶丙辰八月十六辰時配陳氏生嘉

慶戊午五月二十亥時生子昌法昌祥

保生字福先勳元長子生嘉慶辛未十一月廿二午時配俞氏

生嘉慶丁卯十一月廿二卯時

永遠興中子配朱氏生子昌旺

永茂字績嘉德凝嗣子配儲氏生子昌榮昌衡昌儀

永傳德雲次子無子繼兄子昌衡爲嗣

永義宗德子配李氏

永昭宗德三子配章氏

永智文德長子配沈氏生子茂昌

永信文德次子配許氏生子聖昌

永慶德羣長子配張氏

永林德羣次子配顧氏

永忠德美長子配常氏繼配朱氏生子昌益

永說德美二子配余氏

永琛德美四子配左氏

永增德安長子配費氏

永興德安次子配丁氏

永良德安三子配陳氏

永傳德祥長子配吳氏

永裕德祥次子配王氏

浙 注 圖 書 館

永禮德祥三子配宋氏

永明德瑞長子配沈氏

永思德瑞次子配徐氏

永嘉德英子配朱氏

永建德聲子配張氏繼配金氏生子昌翌

學安承德子生子岐原

圖

閻安憶德長子配馬氏繼配吳氏生子昌麟

景安憶德次子配陳氏無子繼弟成安子昌麒為嗣

直安憶德三子配沈氏繼配吳氏生子昌原

成安憶德四子配歐氏生子昌麒昌龍

恂安懷德長子配陳氏繼配沈氏生子士洪

永安懷德次子配蔣氏繼配金氏余氏余氏生子士能士仁

禹道瑞龍子配朱氏生子廷相廷章

起明字惠廷士元長子配馬氏生子廷良

起文士元次子配孫氏生子廷美

起仁士元三子配俞氏生子廷銓

起龍字文原士元四子配邱氏生子廷芳廷階廷高

起瑛士元五子配呂氏

起禎字惠昌士英長子配薛氏生子廷梧廷榮廷文

起祥字德昌士英次子配全氏生子廷彥

起鳳字俊昌士英三子配陸氏生子廷爵廷槐廷標

起新字介昌士英四子配李氏生子廷奎廷尊

炳字晉藩華長子配鮑氏繼配沈氏生子寶慶寶祥

福源原名鉞字佐璜號杏珊泰次子邑庠生配楊氏

銘字彞庭岱子配俞氏繼配鄭氏

鏞字聲宏嶧嗣子職員配沈氏側室朱氏生子鳳來鳳儀

達天字羽翔廷元子配王氏生子永慶

達夫字輔臣配吳氏繼配張氏

達性字堯臣配李氏生子繼林

繼能字祖陶光華子配沈氏生子維善維賢維椿

棟字槐堂光大子配朱氏繼配談氏

鼎字卜年光亨長子太學生配朱氏生子士登

璋字懷瑾光亨次子太學生配曹氏側室曹氏生子世翼世德

世駿

璜庠名一新字協祥號海虞邑庠生配陳氏繼配嚴氏側室邊氏生

子世綸世經世維世綱

宗發字維揚光裕長子配鍾氏生子世球

宗祐字廷揚光裕次子配程氏繼配汪氏生子世傑

庠字廷學光國長子太學生配朱氏生子世楨

序字敦彝光國次子配李氏生子德元

文忠永山子配楊氏生子聚慶

永財天標子配何氏生子壽元洪元

禹高巽安子配夏氏生子士元士鳴

奕鳳紹榮子配蘇氏生子文才

顯忠全昌子配沈氏生子文興

裔忠茂昌子配章氏生子敬夫震夫

體忠茂昌次子配孫氏生子嘉夫慶夫

德忠御昌子配王氏生子浩夫

秉忠御昌次子配俞氏生子祥夫瑞夫

賢忠御昌三子配張氏生子福官翔官

鳳生世龍次子配張氏生子瑞昌志昌

在高聖年子配呂氏生子肇昌駕昌

鳳高聖年次子配李氏生子義昌

恒九祖岐子配馬氏生子懷昌

之貴世惠子配姚氏生子閏昌

乘祿倫三子配王氏生子文榮文高

殿邦倫三子配王氏生子順忠

虎臣倫三子配孫氏生子允麒

德信倫三子配余氏生子在高武高

大俊景元次子配楊氏生子士明

大干景元三子配姚氏繼配鄒氏生子士方

大明言訥嗣子配夏氏生子士宏士華士奇

大基字東雅士瓚子邑庠生無子繼兄大明子士宏為嗣

履忠如山子配李氏生子炳南

惠仁如山次子配陳氏生子士豪

大綸章成子配陳氏生子士尙

大昌漢文子配金氏生子永希

大魁漢文次子配沈氏繼配顧氏管氏生子永明

文元之坤子配沈氏生子祥林

諭大升子配徐氏生子士元

學禮大升次子配計氏生子拱辰

大爲漢榮子配高氏繼配葉氏曹氏生子士高

善彰漢英次子配王氏生子曰明

世熊字兆占天毓子邑庠生配徐氏繼配張氏生子鵬程鵬翮

萬春天翼子配陳氏生子士龍

圖

兆元漢奇子配呂氏生子德貴

五

兆亨行健子無子繼兄天毓子鵬翮爲嗣

世珍聖華子配程氏生子肯堂

浙

有良明遠子配朱氏繼配沈氏生子士能

有成大容子配方氏生子繼方繼章

六十六世

玉珍錦連長子配項氏生子新基新福新榮新址

鳴慶永錫次子配錢氏

鳴和號應堂永芳長子配張氏

奇昌宏道子配徐氏

昌志永椿子配范氏

昌茂永珍子配馬氏

昌鎬永祥子配朱氏

昌餘永高子配俞氏

昌心永盛子配陳氏

浙江圖書

昌其永元長子配錢氏生子新文

昌培永元次子配錢氏

昌麟永廷子配崔氏生子新維

館

茂昌榮瞻子配鈕氏

元昌榮瞻次子配張氏

建昌學瞻子配黃氏

達昌大瞻子配顧氏

嗣昌萬瞻子配沈氏

岐昌明瞻子配萬氏

順昌永祖子配張氏生子新成

浙江圖書館

廷昌永祖次子配虞氏

書昌永華子配許氏生子新鳳新如

聖昌永豐子配吳氏生子新堯

裕昌長賢子配吳氏生子新階新陞

昌宏南陽長子配陳氏生子新官

昌義南陽次子配虞氏生子順忠順良

昌德南林長子配湯氏

昌先南林次子配陳氏生子順章五章

槐卿鞏南子生子宜振宜昭

佩字鳴河號愛蓮維烈子太學生性好學重義扶危濟困族有

公事踴躍赴之訓子讀書重師傳敬禮無怠竭產以供修膳
 無吝色長子傳訢學已成惜早世無嗣次子慶申未弱冠
 卽蜚聲庠序生乾隆辛未閏五月二十卯時卒嘉慶丁丑
 十一月初八辰時配費氏生子傳訢繼配錢氏生子慶申炳
 璋生女一適王

觀成維藩子配 氏生子監明 

高倫奇昌長子配陳氏生子順天順德順桂順昌順福順良

高元奇昌次子配裴氏生子順加

昌隆永俊長子配祝氏生子新元新華

昌乾永俊次子配褚氏

昌倫永聖子配趙氏

昌林永年子配許氏生子財福

昌順永安子配王氏

昌恒字金官永凝子配王氏

昌榮永康子配沈氏

昌會永瑞子配趙氏

昌勝永亨長子配姚氏

昌良永亨次子配唐氏

昌臣永智長子配張氏

昌瑞永智次子配陳氏

浙江圖書館

昌輔永良子配俞氏生子順天

昌元永凝子配顧氏

昌龍永祥長子配楊氏

昌高永祥次子配金氏

昌順字昇揚永安子配朱氏

昌海永林子配錢氏

廷良永堂子配唐氏

昌源會明子配王氏繼配顧氏

廷昌永昭子配沈氏生子新興新順

履仁開岐長子生康熙戊子六月十三戌時卒乾隆戊子閏七

江圖書館

月十七戌時配張氏繼配姚氏生康熙甲午二月初一酉時
卒乾隆庚申八月初七寅時生子觀海二配朱氏生康熙庚
寅四月二十子時卒乾隆庚戌二月廿六辰時生子觀龍觀
蓮

子君開岐次子配蔣氏生子慶餘

履元九生子配王氏繼配張氏生子舜餘振餘

大邦字廷振開魯長子生康熙癸巳八月初十戌時卒乾隆己
亥四月十七午時配章氏生康熙辛卯四月初四卯時卒乾
隆丙寅五月初十辰時繼配徐氏生雍正丙午十月十七子
時卒乾隆戊子十二月十九子時生子興學順學

甸邦開魯次子配錢氏生子登泰登元登學繼配沈氏

大宗且甫長子配汪氏生子國和國連

大有且甫次子配金氏生子洪章秀章

清標士安長子生康熙辛卯十一月十七午時卒乾隆庚子十

二月廿八酉時配張氏生康熙戊子六月廿三卯時卒乾隆

甲辰閏三月廿七未時生子浩亭興三

大成字永春士安次子平生好施予乾隆丙子歲飢率衆勸捐

傾囊以濟太守李公以志存任卹額贈之里人尤感其德生

康熙甲午七月初四戌時卒乾隆戊戌五月初八未時配張

氏生康熙癸巳十月十七日卒嘉慶庚申九月初一日生子

蔭棠傅岩女三一適楊一適張一適魏

年遠字渭南士安二子生雍正乙巳八月十二辰時卒乾隆戊寅四月初七日配徐氏生雍正甲辰十二月十三辰時卒乾隆辛酉八月廿九未時繼配沈氏青年守志撫孤成立嘉慶己巳請旌入祠生雍正乙巳九月初六亥時卒乾隆乙卯二月十五申時生子應奎

邦懷大來嗣子配張氏生子茂章

邦藩字廷桂尚文長子配鍾氏繼配仲氏側室蔣氏生子玉堂
邦彥尚文次子配繆氏

邦其大文長子配鍾氏生子明章繼配朱氏生子彩章聖章

邦榮字廷楷大文次子配繆氏生子翰章

聖昭永安長子配高氏生子士其

憲昭永安次子配于氏生子士修繼配吳氏

學林天麒長子配姚氏生子敘高

漢山天麒次子配俞氏生子士亨利亨振亨

昌義庶豪次子配張氏生子成福成壽胞兄昌行不娶無子以

成福主祀

肇康字鶴祥庶明子配趙氏繼配董氏生子岐龍

財森庶禎長子配張氏

桂森庶禎次子配沈氏

肇昇庶宏長子配祝氏

肇祥庶宏次子配朱氏

昌新字振之號蘭森庶璵長子太學生生乾隆丁酉七月廿五
辰時配馬氏生乾隆丁酉卒道光辛巳十一月廿四戌時生
子成佳成信

昌裕字陞陞庶璵次子生乾隆癸卯九月十二子時配陳氏生
乾隆乙巳四月廿一戌時生子成瑜成仁成志

昌奇一名配天字見行庶華長子太學生事母至孝母患病醫
藥罔效虔誠默禱割股煎湯以進里人嘖嘖稱之生乾隆壬
寅九月廿八戌時配丁氏生乾隆戊戌二月初七辰時卒道

光丁亥二月廿一未時生子成瑚成璉

昌魁字黼章庶華次子生乾隆壬子二月初六巳時配陳氏生
乾隆辛亥九月十二酉時卒道光壬午十一月初六巳時繼
配陳氏生嘉慶丁巳十月十四戌時生子成一成斐

昌和字履亨號兩作庶華三子太學生生嘉慶丙辰七月廿一
卯時配楊氏生乾隆丙午正月廿五卯時卒嘉慶庚辰十一
月初八戌時繼配趙氏生嘉慶丙辰八月初七子時卒道光
戊子四月十九午時生子成球三配平氏

昌修字琢如號蓮峯庶英長子太學生生乾隆辛亥二月十二
子時配宋氏生乾隆巳酉九月十一寅時生子成璋成環

昌潤字玉如庶英次子生乾隆癸丑十一月十三亥時卒嘉慶
丙子九月廿二亥時配朱氏生乾隆辛亥六月十二午時生
子成美

昌風字愷君庶論長子太學生生乾隆巳酉五月二十未時配
虞氏生乾隆巳酉八月初一寅時卒嘉慶丙子正月廿三申
時繼配顧氏生乾隆辛亥八月初七子時生子成列成樂

昌忠字耿懷庶論次子生嘉慶戊午二月十三酉時卒道光甲
申三月初十申時配左氏生嘉慶丁巳七月十二子時無子
繼兄昌風子成樂爲嗣

昌馨一名之冕字韶又號晝齋庶論三子生嘉慶壬戌二月初

洛城周氏家乘 卷一
十亥時配錢氏生嘉慶癸亥正月十五卯時生子成言

昌芳字耕九庶論四子生嘉慶甲子八月廿四寅時配顧氏生

嘉慶庚申三月三十酉時生子成化

昌嵩字惠常庶論五子生嘉慶庚午三月廿八寅時配陳氏生

嘉慶丙寅二月廿四酉時卒道光戊子二月十七戌時生子成能

仁美字東傅庶璋長子生嘉慶癸亥二月初四子時配沈氏生

嘉慶壬戌八月十六巳時卒道光丁亥正月十八午時繼配

陸氏

仁熙字益謙庶璋次子生嘉慶丙寅五月十六未時配張氏生

嘉慶丙寅正月初一子時

仁銓字鳴謙庶璋三子生嘉慶庚午十一月十七子時配蔣氏

陳祥庶財子配姚氏

仁標庶榮子配祝氏生子成興

昌榮字錦華永茂子配沈氏生子福陞

昌衡永傳子配何氏

茂昌永智子配張氏

聖昌永元子配沈氏

昌益永忠子配費氏

岐原學安子配李氏無子繼兄子維楨爲嗣

昌麟聞安子配陳氏生子維龍維風

昌原直安子配張氏

昌麒景安子配王氏

昌龍成安次子配孫氏

日昌字士洪恂安長子配徐氏生子維新維楨維慶

又昌字士能永安長子配俞氏

熾昌字士仁永安次子配錢氏生子維明新年

廷相禹道長子配朱氏生子漢侯

廷章禹道次子配何氏生子晉侯

廷良啓明子配徐氏生子耀琛耀珏

廷美啓文子配張氏生子耀儒

廷芳啓龍長子配全氏

廷階啓龍次子配張氏生子耀豐

廷梧字冷堂啓楨長子配錢氏

廷榮字翬翔啓禎次子配金氏生子耀明耀光

廷文字聖高啓楨三子配黃氏生子耀瑄耀琳耀璽

廷彥字陞臣啓祥子配錢氏生子耀勳耀倫

廷爵字陞三啓鳳長子配呂氏生子耀仁耀節

廷槐字應三啓鳳次子配陳氏生子耀信

廷標字立三啓鳳三子配陸氏生子耀忠

廷奎啓新長子配張氏

廷尊啓新次子配陳氏生子耀亨耀貞耀利

繼林達性子配 氏

維善祖陶長子太學生配谷氏繼配姚氏

維賢祖陶次子配徐氏

維椿祖陶三子配張氏

瀛字士登號斗仙鼎子太學生配沈氏生子寶琛寶田

世球字蓋臣宗發子配王氏繼配谷氏生子芬莖芸

世傑字漢三宗祐子配封氏生子鴻基鴻寶

世楨字宇閭庠子太學生配張氏生子煜

坦字德元序子配傅氏

士元禹高子配吳氏生子保齡繼齡

敬夫裔忠子配沈氏生子彭齡

嘉夫體忠子配程氏生子延齡百齡

文榮乘祿子配吳氏生子起鳳

文高乘祿次子配郭氏生子起豪

順忠殿邦子配顧氏生子學御

允麟虎臣子配張氏生子起鳳

在高德信子配沈氏生子起良起金

武高德信次子配施氏繼配呂氏生子起明

士明大俊子配張氏生子壽源

士方大千子配濮氏生子德音德中

士華大明子配王氏生子在峯

士奇大明次子配嚴氏生子德羣

士宏大基嗣子配濮氏生子瑞峯玉峯

炳南履忠子配沈氏生子瑞林

士豪惠仁子配張氏生子郁文

士尙大綸子配徐氏生子廣雲

永希大昌子配徐氏生子孝忠

永明大魁子配郎氏生子雨亭德章

士元諭子配凌氏生子德榮德鄰

江圖書

拱辰學禮子配范氏生子德成

士高大爲子配孫氏生子建型德型

曰明善彰子配朱氏生子德裕

鵬程字翔高世熊子邑庠生配徐氏生子泰來

士龍萬春子配姚氏生子禹昌

德兆元子配沈氏生子秀昌

貴兆元次子配許氏生子恒昌

鵬翮兆亨嗣子配范氏生子文容禹豐

士能有良子配沈氏生子坤揚

繼方有成子配陳氏生子楚相

澤州府志家乘卷一

繼章有成次子配徐氏生子楚珩楚良

承高金玉子配呂氏生子載昌

承和金玉次子配沈氏生子載揚

茂昌有章子配王氏生子興宗

浙江圖書館

六十七世

宜振槐卿長子配金氏生子昊

傳訢字鼎聯佩長子少聰慧過人文筆英挺性亦豪邁惜不永

其年配陳氏青年矢志待旌

慶申字誦甫號謝庭佩次子邑增生配唐氏庠生 名叔封女

監明觀成子配朱氏生子文表

成佳字用中昌新子生嘉慶辛酉十二月十六寅時配馬氏生

嘉慶辛酉五月廿七酉時生子康賚康保

成璉字允升昌奇次子生嘉慶丁卯十二月廿七卯時配徐氏

生嘉慶戊辰十月十一辰時

觀海字茂餘履仁長子配丁氏年二十五而發無子撫胞姪聖榮成立守節三十八年生乾隆己巳卒嘉慶辛未壽六十有

三

觀龍字順餘履仁次子生乾隆辛酉十二月廿六丑時卒乾隆癸丑二月初八辰時配沈氏生乾隆壬戌十二月廿六丑時卒乾隆戊子八月廿三未時繼配陳氏生乾隆乙亥四月三十酉時卒乾隆丙午六月十二丑時生子聖榮儀榮

觀蓮字載餘履仁三子生乾隆甲子六月初四戌時卒道光辛巳七月廿七子時配胡氏生乾隆丙寅二月二十辰時卒道光丁亥正月十六亥時生子念純

慶餘子君子配王氏生子聖福聖祥

舜餘履元長子配王氏無子繼弟振餘子成茂爲嗣

振餘履元次子配顏氏生子成茂成璉成貴

興學字漢章大邦長子生乾隆壬申十二月初八子時卒乾隆

辛丑六月十八午時配章氏青年嫠居撫子成立生乾隆戊

辰十一月十九子時卒嘉慶甲戌九月十五戌時壽六十有

七守節三十四年生子樹本繼新女一適姚

順學字孔嘉大邦次子生乾隆丙子九月十六丑時卒乾隆癸

卯九月初二丑時配王氏梅里名文龍女年二十五而嫠翁

姑相繼謝世生子士隆甫四月夫亡氏以絀織佐薪水撫孤

成立生乾隆己卯十一月初四戌時現年七十歲守節四十

六年嘉慶庚午請旌入祠事述列入府志生女一適任星

華

館

登元字星揚甸邦次子配沈氏生子學奇

國和大宗子配氏生子應龍成龍有龍

洪章大有長子配姜氏生子思業良玉

秀章大有次子配董氏生子宗玉宗璉宗璜

浩庭清標長子生乾隆癸亥閏三月廿二卯時卒乾隆甲辰八

月十二辰時配錢氏生乾隆癸亥五月十二午時卒乾隆戊

戌七月廿七未時生子樹珍殤以弟興三子森階承祧生女

一適李

興二清標次子生乾隆丙寅二月十八未時卒乾隆丙申五月
十五戌時配顧氏生乾隆戊辰四月廿六子時卒嘉慶癸亥
七月十三未時生子森階

謙字蔭棠大成長子嘉邑庠生績學能文闈試屢薦不售晚年
淡於名利宅後拓地築亭搆奇石環列於旁朝夕展玩題其
園曰愛石性好交游慷慨仗義有不平事力爲排解乾隆丙
午歲飢寇賊橫行設柵捍衛鄉人咸蒙其德生乾隆辛丑七
月初五寅時卒嘉慶己未九月廿五酉時配徐氏庠生
蒼女生乾隆己未四月初八子時卒嘉慶甲子七月十一巳

時生子易頌側室倪氏生子誥生女二一適庠生范寶樹一

適監生朱俊輝

霖字傳岩大成次子生乾隆庚午十月十一戌時卒嘉慶丙子

六月十四辰時配杜氏生乾隆己巳七月十四卒乾隆壬子

九月十二日生子雲達鳳章期伯寶山側室王氏

應奎字星垣渭南子嘉邑庠生生乾隆丙子九月廿七子時配

馬氏生乾隆癸酉七月十七未時卒乾隆辛亥八月廿四寅

時生子鳴球如蘭錫廷生女一適張繼配姚氏生乾隆壬午

十二月廿四戌時生子品蓮耘封振聲效曾生女一適徐

茂章字興中懷邦子配張氏繼配顧氏生子德祥德孚

玉堂邦藩子配朱氏生子德華加瑞坤元

明章邦其長子配岳氏繼配施氏生子懷君

聖章邦其次子配魏氏生子天維倍玉倍君

彩章邦其三子配 氏無子繼見聖章子倍玉爲嗣

翰章邦榮子配張氏生子煥如拏揚

士奇聖昭子配孫氏生子兆昌瑞昌

士修憲昭子配及氏生子學君學凝學如學元

士亨漢山長子配朱氏無子以弟利亨子學坤承祧

利亨漢山次子配金氏生子學坤

振亨漢山三子配王氏生子學通

維新日昌長子配張氏生子天福

耀信廷槐子配張氏

起鳳文榮子配沈氏生子士相

起豪文高子配余氏生子許文義英

學御順忠子配嚴氏繼配於氏生子禮文世美

起鳳允麟子配沈氏生子義芳振揚

起良在高子配呂氏生子福星福昇

起金在高次子配呂氏生子新和新發

起明武高子配范氏生子士魁士奇士珍士麟

廣雲士尙子配孫氏生子美思

德榮士元子生子維楨

建型士高子配包氏生子福緣

德型士高次子配張氏生子履祥

泰來字新模號

鵬程子邑庠生配張氏生子呂望晚蘭

禹昌士龍子生子贈蘭

圖

秀昌德子配邵氏生子廷蘭廷華

禹豐鵬翮次子配范氏生子建蘭

楚相繼方子配計氏生子廷槐廷桂廷楨

載昌承高子配王氏生子廷階廷棟

六十八世

聖榮觀海嗣子配張氏繼配俞氏無子繼弟念繩子畏天爲嗣
念繩字聖可觀蓮子生乾隆庚寅正月初三寅時配姚氏生乾
隆辛卯五月初九寅時卒嘉慶丁丑十月廿五辰時生子畏
天鑲如雅君

樹本字信孚漢章長子生乾隆辛卯五月廿六戌時卒嘉慶辛
酉二月初五戌時配陳氏生乾隆壬辰正月十二無子繼弟
維新子敬承爲嗣

維新漢章次子生乾隆乙未十二月十一酉時配張氏生乾隆
辛丑正月初八午時生子敬承敬忠敬脩

士龍字亮功順學子生乾隆癸卯四月初六午時配張氏生乾隆巳酉正月廿六子時卒道光乙酉八月十二酉時生子雲

衛生女一

館

宗璉秀章次子配蕭氏繼配馮氏生子生明

森階字樹玉浩廷嗣子配王氏繼配張氏生子佩芳會芳

易字象文號昂霄謙長子少好學試輒不利棄舉子業專習醫

父患胃癰羣醫束手君邀親族默禱神佑自用刀圭始就痊

由是名益著生乾隆戊子三月十一卯時卒道光八年六月

廿二午時配沈氏生乾隆甲申十月廿五申時生子玉如肇

岐詩濤

頌字廣熙謙次子生乾隆丁酉五月十九巳時配王氏生乾隆
辛丑十二月十八亥時生子振邦其彪

誥字景揚號西疇謙三子生乾隆丙午十月十九子時配朱氏
生乾隆丙午二月初八酉時生子良如漢如

雲達字鴻裁號筠齋霖長子嘉邑庠生生乾隆己丑九月初十
午時卒嘉慶戊寅十月廿七申時聘受氏繼配盛氏生乾隆
丙子卒乾隆乙卯生子長齡二配孫氏生乾隆丙申三月初
一卯時生子寶齡玉齡鳳齡

鳳章霖次子生乾隆甲午五月初八寅時配徐氏生乾隆辛卯
六月初一卯時生子福齡振新本立

期伯霖三子生乾隆戊戌正月廿八寅時卒嘉慶丁卯正月廿
三巳時配毛氏生乾隆丙申四月初二子時生子昌齡壽齡
守志待旌

寶二字雲龍霖四子生乾隆癸卯六月十五午時配杜氏生乾
隆丁未二月廿七卯時生子承烈慶齡

鳴球應奎長子配李氏生子冠羣克明克嶷
如藺應奎次子配張氏生子加昇加珍

錫廷應奎五子配馬氏生子睿清睿良睿盛

品蓮字泰如應奎六子配嚴氏

耘封字學洙應奎七子配殷氏生子仁壽

德祥茂章長子配王氏無子以弟德孚子春林爲嗣

德孚茂章次子配楊氏生子春林

嘉瑞字繩祖玉堂次子配沈氏繼配張氏生子春熙

懷君明章子配張氏繼配陸氏生子耀宗允宗順宗

煥如翰章長子配岳氏繼配陳氏生子關祥

揆揚翰章次子配張氏生子其祥

學君士修長子配于氏

學凝士修次子配潘氏生子福元

士相起鳳子配沈氏生子玉林

義英起豪子配王氏生子正元

禮文學御子配蔡氏生子敬安

世英學御次子配於氏生子敬先敬元敬裕

義芳起鳳子配嚴氏生子坤元乾元

新和起金子配吳氏生子浩天浩正

書

圖

江

浙

六十九世

畏天字佩璜聖榮嗣子生乾隆乙卯四月初八卯時配岳氏生
乾隆乙卯三月廿七寅時卒嘉慶乙亥二月十八寅時繼配
蔣氏生乾隆癸丑七月初五卯時生子復隆復初

鑲如字佩玉念純次子生嘉慶戊午七月十四卯時配薛氏生
嘉慶丙辰二月十八丑時

雅君字佩蘭念純三子生嘉慶壬戌八月廿四子時配郁氏生
嘉慶己未六月廿三午時生子敘元

敬承樹本嗣子生嘉慶辛酉六月初十辰時配沈氏生嘉慶丁
巳八月廿九戌時生子品華俊華

敬忠惟新次子子生嘉慶癸亥十一月十一丑時配包氏生子名

華

佩芳森階長子配李氏生子有爲

會芳字廷謨森階次子配俞氏生子有守

昇字玉如號秋孫易長子嘉邑庠生生乾隆己酉八月初七卯

時配陳氏生乾隆壬子十一月十四卯時生子書銘

鼎字肇岐易次子生乾隆壬子十二月廿七辰時配葉氏繼配

徐氏三配王氏生子書馨

晟字詩濤易三子生嘉慶丁巳十二月十七亥時配朱氏繼配

鄒氏

長齡字濟和雲達長子生乾隆癸丑八月初二寅時配張氏生
乾隆戊申十一月初八子時生子自申

承烈字欽時寶三長子生嘉慶丁卯十一月初九辰時配金氏
玉林士相子配朱氏生子嘉瑚嘉璉

乾元義芳次子配徐氏生子嘉有

浙江



浙江圖書館

浙江圖書館
地址：杭州...
電話：...
...

洛塘周氏家乘卷之八

忠賢列傳

周宣字公猷錢塘人仕職方郎中德祐丙子元師次臯亭宣上表請兵禦之時陳宜中主降議不報因自集族黨家丁爲報國計及元兵入臨安帝后遠狩宣乃北面泣拜率衆與戰身被刀矢負痛手格殺數十人隨遇害文天祥以詩哭之曰孤忠莫克挽頽軍一死名高百戰勲總恨權奸多異議難禁玉石不俱焚殺身卻羨君先我狗國終當我繼君他日幽魂逢地下血應化碧氣凝雲

右瞿佑作傳載浙江通志忠臣傳中

周孝子名失傳母俞氏病周阿二與弟阿三各剝肝以療又幼弟阿九通體鈎燈以禱病乃痊時稱周氏三孝子

右載海寧州志孝友傳中案孝子父宏字公恢仕鹽官教諭因家焉趙志三人年次無考又云未嘗學問惟共竭力耕田養母然孝子實係世家非農夫惜俱享年不永後嗣無人此又理之不可解也

周益字友諒博學負才有心計時桀盜張虎縱橫三吳將謀不軌監司莫制邑侯伍公服躬詣咨策得就擒永樂甲辰歲饑輸粟六百石助賑授登仕郎子敬字尚禮成化間先後輸粟千石助餉賑旌義士賜冠帶歲大稔煮糜濟饑死給棺槨參

議吳公紀嘉之表厥宅里焉三舉鄉飲大賓論者以爲仍世
好義徐耕嚴成不能過矣

右載先子寧志餘聞義烈傳

周啟祥字源伯隆慶戊辰進士由刑部郎出知廣州府性廉介
明習法令初至惛惛若不辨吏胥心易之啟祥愈自晦嘗角
巾敝衣巡行吏舍後乃忽然震肅治爰書雖老吏不能過聽
訟煦煦作家人語兩造之詞務令必達門以內澹如傳舍茹
蔬服陋每出簡輿從所至人不知其太守也會制府命討布
涌諸將掠甌民徼功係累相屬啟祥多讞出之其不能自存
者發居民收恤毋令獄死以俟必白所活以百餘計後以覲

行道卒于金牛驛囊中可數金而已粵中哀而祀之啟祥處家孝友樂分施置義田以贍貧族賑鄰饑人咸頌之

右載入海寧州志循吏傳中

周令德初名啟祚字仍叔號南龍父甸夢神授二玉而生二子長啟祥廣州守次卽令德也爲諸生屢試高等入南北雍十試不利以例得鹽官副使萬曆辛丑改授南光祿掌醢署丞躬行節儉裁薪藁冗費數千金核乾沒鹽月數萬故有三飯堂飯饗者中人監之侵牟多方食惡不可入口定爲令官給米俾治自食中人復掙尅薪藁無敢誰何令德不可白寺長唐趙兩卿言極切中人皆忠楊祿等志甚更相盼伺以擬擬

之令德不爲動卿疏於朝中人坐法清直聲藉甚陞長蘆鹽
運使尋改麗江通判攝呈貢邑罷額外徵民得自稅邑黑白
龍泉溉田數萬頃壤接昆明馬料河會歲旱昆明巨猾欺監
司引泉自利呈人田龜坼令德排衆議具言不可奪奪則有
大患昆明馬料河故在何乃瘠人肥已衆議乃沮邑人世受
其賜勒石示久遠其他斷獄無冤造士譽髦穰旱雨應善政
未易悉數已授檄掌蒙不勝瘴癘乞歸郡民遮畱不得爲政
績碑建生祠祀焉詳進士錢麟徵行狀尙書李維楨墓誌中
至通政參議趙邦柱薦舉揭帖刻光祿同寅錄唐公疏及德
政生祠碑具有刻本尙存

右載入先子寧志餘聞循吏傳中

周宗葵字五重海寧人崇正舉人城陷殉節死妻卜氏與二妾從死弟啟琦巷戰力竭被殺

館

右載入大清一統志浙江忠臣傳至新舊浙江通志郡志州志互有詳畧不及脩載其事述顛末詳查伊璜傳中乾隆四十年十一月奉

圖

旨入本籍忠義節孝祠事載入

五

欽定勝朝殉節諸臣錄中乾隆六十年正月先子偕祝公

名塋

俞公名思謙呈請同祝淵俞元良元禮送入本州忠義祠

春秋崇祀

周文煜浙江進士順治六年黔陽令甫三月值靖州陳友龍叛
被執於洪江死之

右載入湖南通志忠烈傳中黔陽縣志杭州府志本邑州
志所載事較詳因有黃天祐杭世駿記傳不贅述乾隆五
十七年奉

旨補給忠齋世職六十年五月浙籍藩謝刊示開載事實行查
齋孫茲桂承襲事詳後

周光朝字萇階醇謹誠樸好讀書家貧不能延師有志攻苦堂
叔招入書塾在顧又奇先生門下講論數載年十六卽課蒙
博修脯以奉養雙親性至孝父母病嘗一次剖肺兩次割股

浴塘居士家乘 卷八
煎湯以療親病尋愈父母俱登大耋得遂烏私同人義之賦
詩美之

節烈列傳

周玠妻樊氏工部樊光遠女也玠二十而卒氏撫孤成立以子
溥貴封福昌縣君旌表貞節壽六十有八歿時異香滿室顏
貌如生

右載入杭州府志

周宣繼妻趙氏天水郡公趙善湘女宣仕宋職方郎中德祐丙
子元兵入臨安宣知勢不可挽語夫人趙氏曰城必破矣我
當死國長男仕無錫諒亦死所有二孤尙孩可抱先走庶存

宗祀趙氏曰君能忠我獨不能義乎伺公出督兵守禦以二孤托奴安兒收養自經而死及城將破趙氏已歿宣乃毀屋焚屍率衆力戰身被刀矢手格殺數十人隨亦遇害

右載入周復世系小傳

周敬側室沈氏年二十四敬亡無出依正妻子書以居誓志勵節會遭倭寇猝至氏聞急藏宗譜走避隙處倭乃殺其適孫悉掠所有以去蓋周氏宗譜傳自洛南宋司農扈蹕以來世守之因氏得以勿失其識大義如此壽八十八嘉靖間旌表

右載入先子寧志餘聞節婦傳中

周易妻孫氏參政子良曾孫女方伯璋孫女也少習儀訓年二

十六夫客死武林氏匍匐奔喪願俱死方伯謂之曰舅姑老子藐然孤第蒿日立周宗無徒薄瀆爲也氏唯唯妾宋氏媵也年十九亦斷髮自盟共撫其子旬學旣成聞王文成倡道會稽命旬負笈從之十年得聞心學之傳及文成奉命討岑猛將行以旬爲知兵宜置帷幄使歸告母氏色喜曰兒能進于道畢吾志矣守志四十二年臺察使嘉其節勞以粟帛命勒姓氏于旌善亭中年七十有一

右載八先子寧志餘聞節婦傳中州志較畧

周啟祥側室王氏農家女妾方待年而祥卒于覲氏遂矢志靡他布衣茹素終身樓居雖至戚未嘗見祥弟別駕令德深敬

之李本寧志別駕墓所謂事庶嫂王氏三十年無替成其節孝是也

右載入先子寧志餘聞貞節傳中州志甚畧

周宗彞妻卜氏海寧州志明末硤川被兵宗彞死氏聞變曰夫死君妻當死夫遂攜其幼子及二妾朱衣紫衣溺死後園青蘿池內次日族人舉其屍三人相抱其子而出面如生

右載入新浙江通志列女傳中乾隆六十年呈請入本邑節孝祠

周文煜妻施氏文煜守黔陽甫三月陳友龍叛率兵捍禦被執不屈遇害施氏在署聞訃自經死妾王氏投井死賓從死者

共八十餘人

右載八國史傳中

周學舒妻朱氏題旌册曰年二十七而寡事舅姑及本生舅姑俱孝遺孤奕年甫五齡氏恒于機杼旁親自督課奕亦自知刻勵康熙辛卯舉于鄉凡四上公車卒于旅邸氏更撫訓其兩孫詩書之澤賴以不墜守節四十五年

右載八新浙江通志列女傳中

周靖遠妻朱氏靖遠卒氏絕粒十餘日諸母強之再三乃進一餐旣而曰吾之未死者以夫未葬耳義不獨生也嘗作哀詞有曰身雖未死心先逝無奈偷生未葬時血淚千行誰得拭

夢裡逢君先報知及葬別老親絕粒而隕

右載入海寧州志節婦傳中

周見龍妻楊氏年二十四夫沒日坐破屋中紡織不輟嘗以麥
麩作餅或摘野菜療飢其母欲奪其志手治美饌遺之乃乘
間勸令他適氏以饌飼二孤而已啖麩餅如故母笑曰何自
苦乃爾氏作色曰餓死事小周氏世傳清白何可自我敗之
因舉懷中孤投母曰將置若於何地言訖淚如雨下母亦相
持大慟而去後一孤沒一孤年十四命隨舅氏服賈衣食稍
贍現已守節四十一年

右載入海寧州志節婦傳中

周大舉妻董氏年二十七寡婆姑久疾勤事不倦無子撫猶子

成立守節四十餘年

右載入海寧州志節婦傳

周應期繼妻錢氏年二十五夫沒子亦同日死氏撫棺長慟死而復甦家故赤貧以織絰易薪水所居不蔽風雨嚴冬沍寒十指瘃裂血染絡緯間未嘗稍輟貿易得錢選銅郭完厚者納敝管內雖忍飢不取用積十餘年買地葬舅姑及夫與元配陸四棺歲時必預減已食以脩祭品且拜且泣曰吾力不能乞後恐終不免若敖奈何聞者酸鼻歲稔里中有輸粟平糶者計貧戶先為給票持票與之堅謝弗受守節五十餘年

乾隆四十年旌表節孝入祠

右載入海寧州志節婦傳中

周鼎繼妻王氏夫客死河南二孤尙幼外侮迭起氏隻手支撐奉養晚姑極孝撫子沉成立守節三十年乾隆五十六年請

旌入祠

圖

周廣業側室徐氏年二十七而娶勤苦操作矢志靡他撫次房孫在恩成立現年五十六歲守節三十年待旌

周維新妻魏氏結褵甫五月夫故氏年纔二十翁姑年老多病氏盡心侍奉旣沒爲營窀穸茹荼飲蘖撫繼嗣佩成立守節

已三十二年

右載入海寧州志節婦門

案從一而終婦人之義而苦節之貞爲人所難或境值艱
 軻或事多磨挫勵志璇閨守身終老後嗣微賤湮沒無聞
 姒續莫延宗祀遂絕是可哀也余族節烈均得入志邀
 旌而出嫁之姑如大奎之女許字沈犀雯者未婚守志爲
 夫立嗣守祀雖已蒙旌表其貞節非尋常可比又如順
 安之女適鄉農余金文爲室夫死家貧日事織襪耕作以
 養老姑給薪水無子撫猶子成人爲娶婦有子不苟言笑
 端重有大家風現年六十守節已三十一年此亦輓近所
 難得者併足以增吾族之光也因附識於此

廣州太守南鶴周公崇祀鄉賢勘語

刊本

學行曾閱吏治龔黃在刑曹多所平反人稱釋之而民自以不
寃蒞廣郡極意釐飭咸誦神君而清真能徹底服官旣懋著丕
績可稱處處福星居鄉復鬻產賑貧又是藹藹冬日嚴仁久協
於輿情蘋藻奚慚乎苾祀况粵州廟獻巍然何地宮芹寂若
確據鄉評無忝月旦允宜崇祀以式高風

海寧儒學訓導署海寧縣事卞公崇禎

十二年

雅度宜人冲襟炤世道學宗孔孟文章麗春藻之華吏治媿龔
黃名譽散秋蘭之馥祥刑三輔春生肺石無寃剖竹五羊節著
脂膏不潤鬻美產以甦溝瘠德擬吳琮置義田以膳宗親誼高

文正南粵既厪尸祝梓邦可無薦馨宜崇祀乎澤宮庶永昭乎

彝典

知海寧縣曾公
崇禎十三年

道學典型文章宗匠馳聲三輔祥刑民誦無冤剖竹五羊買犢

俗成雅化清風兩袖歸來琴鶴相隨愛日一腔到處圖書為侶

置義田而膳族鬻美產以賑飢德載口碑馨流尸祝鄉評無忝

崇祀宜膺

知杭州府劉公
崇禎十三年



道學典型文章宗匠馳聲三輔祥刑民頌無冤剖竹五羊敷治

俗成雅化清風兩袖巨石載鬱林之舟愛日一腔斑彩賁老萊

之色置義田以膳族鬻膏產而賑飢德載口碑名傳畏壘鄉評

尤協裡祀宜敦

知杭州府劉公
崇禎十五年覆勘

崇

厲志聖賢禋躬倫物純孝表狗齊之美公忠抒練達之猷名著
西曹澤覃南海至今搢紳父老仰儀型其勿替斯土歲時伏臘
儼尸祝之不忘况夫敦洽宗盟力修古道而且賑施閭黨雅倡
仁風若此耿光宜膺崇報

欽差提學道王

附 跋崇祀錄後

圖

國家禮賢盛典仕之有顯績者於治地爲名宦於本籍爲鄉賢
皆得俾隆俎豆然非日久論定月旦允符者未易膺此先兄南
鶴公以刑曹拜二千石忠孝性成廉明仁恕其於治地久尸祝
之獨寧邑芹宮一席缺焉未舉近得崇祀潛德攸光喜可知也
蓋余先自絳侯發祥濂溪以理學名世宋建炎間元公五世孫

諱嗣源者仕司農寺丞扈駕南渡遂籍爲吳別派爲錢塘爲山陰爲明州永嘉諸暨爲姑蘓松陵梁谿世次家乘可攷而余支居海昌之洛塘里南鶴公則余同會祖兄也隆慶丁卯戊辰聯登科第筮仕秋官主政歷轉正郎治獄平允有陳文正風出守廣州稱循良高等至禔躬冰蘖卽懸魚酌泉未足以喻粵東臬憲湯海若先生尙論粵宦首推公苦節載玉茗堂集中亦足見一斑矣公無出嗣子明輔邑廩生早世未及彰公懿美余幸廁賢書懷清芬以如昨勤景行之在茲因與厥孫文煥請於當事今崇禎十六載崇祀於賢人間亦異數也爰綴片語志不朽云

明孝廉青蘿周公傳

邑人 查繼佐

周宗彛字五重別號青蘿海寧硤川里人也本絳侯之後迄宋南渡有司農寺丞名嗣源者自洛南扈蹕遂家臨安其七世孫宣爲職方郎值少帝北狩宋亡宣死之長子肇祉官無錫謂其兩弟添二添三父死吾義不苟活第忠臣不可無後行矣弟輩勉之添二遂隱居于洛塘里其派入硤川添二五世孫硤樵卽宗彛之大父也宗彛生而岐嶷志不屑一切父卹以資雄于鄉晚年舉二子宗彛旣卓犖弟啟琦字瑋光號鞠陵亦沉勇絕倫自束髮受書每讀家乘至職方死節事兩人輒激昂慷慨更流涕曰大丈夫不當如是耶由是爲諸生益以氣節相矜人早敬憚之里中有大豪以苞苴竄仕籍結奧援挺擊一案廷論譁然

豪禁掖行賂据黨尸魁人益側目居鄉睚眦殺人莫敢誰何宗
彘獨曰橫至此可坐視乎吾行剪之矣遂不惜殊死力列豪罪
狀致之獄父子則抵於法朝野莫不稱快東林諸先哲尤嘖嘖
嗟異曰誰謂一白面書生能剪此巨憝以是爭樂與之交己卯
舉北闈從倪文正公元璐先生遊甚器重之曰雄毅果斷士罕
其匹他日名教干城爲吾黨生色者必子也庚辰會試頭場已
中式因母病不及候榜而歸不及列騎射遂不成進士癸未丁
母艱適逢旱蝗斗米千文餓莩載道首創糶官米不惜其資趨
告上司使鄰近州縣一如此法所生活者無計飢荒之後繼以
盜賊又破家設重關復柵捍御井里縣官林塗義贊其事雖亂

離之後井里晏如猶想五重之功也甲申三月闖賊犯闕帝后
殉社稷五重聞變絕食數天夫人卜氏強勸曰君亡國破死固
宜然竊聞江左尚有推載事蓋俟之宗彛蹶然而起盡傾其家
貲募勇敢與向之守關柵者捍衛井里未幾大兵且下浙宗
彛謂弟曰極知天命有歸螳臂豈可以當車顧吾職方遺烈之
謂何今日其偷生也八月十五日兄弟同蹈而死于妻卜氏
召妾張氏王氏曰吾固知有今日攜其幼子三人同赴後園青
蘿池內從死者四十八人次日族人舉其屍具棺斂三子相幼
子猶屹立如生里人因名其池曰節義青蘿池云

孝廉周宗彛傳

邑人

查繼佐

周宗彛字五重澥昌峽川里人家世清白與里豪吳某祖父怨道鄉黨寃者上其事豪不勝坐獄死於是競稱其義 大兵下武林持槩者四起宗彛但捐資爲固前後里門設監守而俠有義咸推宗彛長者又登己卯賢書爲諸生祭酒人士一聞願從宗彛起四百餘人宗彛曰能從吾令母後則可衆唯諾於是令曰吾妻子不令深匿使典爨比閭有以家密去者共奮擊之量貧富捐軍糈治具備關防甚嚴自稱大將軍爲相材分署以僧隱石爲先鋒隱石者故從海昌諸較斬將長安市者也有聲聘得之各鄉邑所起旅無若峽川紀律者時越中諸生鄭遵謙阻江爲守馳檄約宗彛爲內間宗彛不應而自以所部入海昌邑

路經郭店擒盜賊百餘艘乘間爲剽者勢益張至邑得千餘人
時城經陷大半灰燼死亡空無人人寡不足守宗爨食盡復還
峽川論者謂峽川非城守但召敵不如散飄忽聚舟出後伺便
得一勝則呼兵至呼食亦至也否則走合越中兵宗爨不聽願
死守誠妻子卽不幸自沉舍後河勿合擄辱爲後世笑時宗爨
年四十餘一子可十三歲矣亦不令去衆益感宗爨高誼亦競
奮乙酉八月望五鼓天大霧對面不辨指掌 大兵至碇時王
店里助百舟突關關門閉守者發炮蒙霧不得中斬關宗爨令
其弟諸生啟琦爲副將軍者提兵巷戰 大兵從背促至啟琦
中流矢猶提槩混戰不勝痛死時諸較猶各自沮柵候大將軍

治城月日家身 卷八
三
令宗彙乘小舟與隱石俱欲發號令火光從艙中藥焰舉舟焚
不得已還室妻子請脫走宗彙曰我已先誓矣胡走爲次第視
其沉舍後河十七人盡乃單身奔西山則衆散不復可爲衆索
宗彙者反覆觀其舍後河十七人死以爲亦沉去時義師汪秉
珪等以其衆往救碇已遲一日斬諸乘勝爲盜者百餘級而歸
宗彙亡不知所之妻卜氏子某

查樸園國壽錄

又

五重以字行巳卯孝廉聯合諸旅海寧崇德海鹽皆五重聲勢
所及三方並應故大軍不敢進久之碇中有大豪素與五重有
隙陰以虛實北告且爲內應於是大軍四集內應者開一旁竇

以招北軍內遂潰五重率衆巷戰死

查東山浙語

案先孝廉登鄉薦時從倪文正公游深加器重曰他日中原有事其率先馳驅者子也癸未歲旱蝗斗米千錢飢孳載道首倡糶官米趨告上司使鄰近州縣一如此法全活無算飢荒之後繼以盜賊又破家設重關複柵捍御井里甲申三月闖賊犯闕帝后狗社稷宗彞聞變絕食數日妻卜氏主事萬達女也明達有識勸曰君亡國破死固宜然竊聞江左尙有推轂事盍俟之宗彞蹶然起傾家募勇敢四百人紀律甚嚴會閣部史公可法檄江南義旅同時海鹽崇德等應命起者皆宗彞聲勢所及嘗率所部入邑路經郭店有桀盜范道人

者乘百餘艘方出抄掠擊之生擒道人衆皆義之及抵城已
有千人或勸走合越中兵宗彛不聽食盡還硤願死守戒妻
子卽不幸沉舍後河可矣乙酉八月望五鼓天大霧 大兵
破硤石宗彛及其弟啟琦俱死妻卜氏妾朱衣紫衣及子明
依相結沉後園青蘿池婢媪皆從死凡四十八人弟啟琦膽
勇絕人乙酉與宗彛並集義旅捍護里中部署嚴整徐大司
寇石麟家居聞而就觀嘆曰古名將無以過也八月望 大
兵從嘉興破硤宗彛急令守門隘歸視妻子沉後河盡出趨
西山絕吭而死啟琦持長矛勉諸守柵者而身格鬪于綵霞
橋殺數人道窄矛不能運鎗及其腹腸盡出啟琦納腸力戰

死僵立不仆衆至截其頸乃仆時稱二忠至今里人於宗彝
兄弟不名但舉行第曰周八周九云此從家傳中抄錄較他
處稍詳載入拙著寧志餘聞中族孫廣業謹識

浙江圖書館



浙江圖書館

浙江圖書館
民國二十九年
杭州

周穆仲先生殉節記

粵東

黃天祐

次臣

公蓋浙之海寧人名文燭穆仲其字也年十四遊泮性聰警英毅寡言語以敬自持居常正坐如對賓客好善嫉惡勢利柔飢輩雖至戚亦罕接見而喜解排焚難族黨相觀而化問爲經生業然志不在溫飽順治丙戌丁亥捷進士己丑謁選得辰州黔陽縣於是歲五月內抵任時我朝定鼎未久傳檄初下辰地重岡複嶺控扼溪洞而黔故鐘城龍標地與瀘沅溆浦五溪等爲隣羅翁山百餘里民獠雜處降鎮陳友龍等以難長不及復叛虜掠劫殺邑治僅一空城四郊爲墟公甫下車部聚殘黎二三百家繕葺爲固守計羅翁山周五百里高千仞四面奇險絕

頂一池廣千頃友龍等據之頻出圍城公督城內兵民輒擊退之相持三月餘一日西出畧地隨赴會同催辦兵糧卒遇賊金橋距邑旣遠人不滿百我寡賊衆被圍數匝公率所部奮殺一日夜賊死甚多顧邑無將佐人因援絕平明賊益大合極力衝突不得出賊故服公忠義不忍遽害百計誘惑公瞋目大罵誓不可屈賊復畏公雄畧于是公與左右賓客兵民等八十餘人俱死之時順治六年己丑七月五日公年蓋四十有五也二夫人施氏王氏訃聞縣署一自縊死一投井死嗣是黔復爲墟辰之當事者竟以邑與賊我朝黔官自公始與民效死勿去以官守死者當亦自公始公之令孫東爲涕泣爲予言若此又云

公在浙啟行日親朋賀席劇演精忠記坐客皆難之公怡然曰
大丈夫獨恨不獲死所耳舍生取義日月爭光豈易得哉吁卽
此可見公志矣嗟乎以公之偉抱勁節宜其任鎖鑰喉舌以大
展其生平之壯猷乃僅一令于建侯不寧之際獨掌孤鳴首植
大節竟死荒徼亂賊之手豈不深惜然死一也官守亦一也職
事爵秩有大小地方民社無大小公爲地方民社死二夫人爲
公死左右賓客兵民八十餘人復爲公死公以大義倡而報
國衆以大義應而報公忠肝義胆視古史冊所載何如耶公與
二夫人偉矣而此八十餘人者雖不能悉著其姓字然與田橫
之五百人者有異耶公臨大節而不可奪雖死之日猶生之年

金橋熱血江漢朝宗武林錢塘公故鄉也壯氣英靈公與二夫
人必且帥此八十餘人者雲旗車馬劍戟努目時與海門怒濤
上下往來于千古公真人傑而無愧于 國家科名民社哉令

嗣子蓉邨名孺為諸生工詩賦有經濟才惜負奇不偶早喪乃
孫卽東為名光輪蓉邨子英年倜儻如父世德作求積厚流光
邨者紅苗嚮化溪洞悉平郡志邑乘無隱不彰自古車書一統
之盛未有逾于今日者一旦 天子訪求忠孝遺躅太史省

方當事敷奏幽光潛節久而彌芳寵錫胥被歿存均榮東為操
券俟爾時康熙辛卯六月大暑日記

黔陽令死事周文煜 原避改作奕誤傳

杭州 杭世駿 大宗

周文煜字穆仲浙之海寧人順治丁亥進士謁選得楚黔陽令黔陽故梁龍標地地鄰五谿民獠雜處王師平一海內辰沅獨後屬以降將陳友龍鎮靖州而文煜始來爲令旣而友龍背義復叛邑有羅翁山周五百里四面險絕絕頂一池縱廣千頃友龍窟竈于是頻出圍文煜聚殘黎二三百家悉力固守來則輒擊退之相持六旬一日西出畧地卒遇賊金橋橋距邑二十里而士卒不滿百賊衆我寡被圍數重文煜卒所部奮殺一日夜矢盡援絕平明賊益大合服公忠義不忍加刃誘令倒戈文煜瞋目大呼罵不絕口遂與左右賓客等八十餘人同時被害時順治六年七月也年四十有五妻妾在縣署報聞一自經死

一躄身入井死

外史氏曰文煜無子死事後其宗人爲立一子曰孺而大吏未之知也故不得贈卹後孺之子光錦號於當事又不見報錢唐顧之珽撰殉節記予特取而刪潤之爲後之有史職者告也

見道

古堂集

故黔陽知縣元隴公家傳

圖

廣業 耕厓

公諱文煜字穆仲號元隴高祖諱書聘君澹齋公第四子也分居硤石故公爲硤石人幼失父母居喪以孝聞年十四爲諸生沉勇有大志順治三年丙戌浙江開科由恩貢登鄉薦丁亥成進士己丑謁選得湖廣辰州府黔陽縣今屬湖南沅州府者也

孳家赴任黔故梁龍標地與瀘沅五溪鄰民苗雜處號巖險明
季爲闖賊所竄據

王師平楚瘡痍未復值靖州陳友龍叛肆行劫掠公下車僅空
城耳聚殘黎數百家繕葺固守時方盛暑公步行赤日中巡視
城堞勞守陴者與民同食宿咸感奮誓死不從賊而友龍勢益
橫初友龍以僞總兵降於我未幾悉衆數萬反圍靖州城急會
提學僉事彭而述將撫貴州率兵三千駐靖與決戰城西門外
南山下始合不利副將賀進才戰死城中鼓譟閉門欲與友龍
合而述退保寶慶 定南王遣副將熊嘉夢以兵三千益之相
持紫陽河上歲餘而述嘗分守永州永陷於賊坐免去賊益猖

獩無忌分掠郡邑獨公所治秋毫不能犯賊至城下矢礮如雨皆走遁去間出奇兵擊其怠馘其數十人賊相戒曰周公書生用兵神速乃爾勿妄干也三閱月餉絕七月某日公薄暮率輕騎赴會同催辦兵糧猝遇賊洪江洪江一名雄溪五溪之一也被圍數匝我兵不盈百公奮槩率所部四面衝突槩絕手格殺數人友龍服公義勇輒摩已卒免之平明友龍兵益合見執厚禮誘降公瞋目叱之館於別室復使人勸之怒罵不已遂遇害訃至署妻施氏同其子自經死妾王氏投井死左右賓客兵壯死者凡八十餘人縣遂陷迨康熙三十年黔人士向文煥等始上其事於縣令于公棟如爲請於當事事竟寢乾隆十五年公

從孫廷元請于本縣轉詳咨楚未覆二十一年黔楊柳合復以
祀名宦及載省志請於楚撫咨查到浙嗣孫光錦以事上 大
憲據覆而已不見報子姓氏微故

旌卹猶有待也公萬歷年生順治六年七月日卒年四十有五
女一適海鹽庠生徐豫貞嗣子孺兄子也邑庠生工詩生光輪
無子嗣廷元之子朝鼎隨歸宗歿絕今復以光錦繼孺光輪有
從叔表嘗爲陝西臨潼丞往依焉因乞殉節記於粵東黃天祐
時爲三水令云

廣業案康熙間黃公天祐

字次

所作殉節記凡二千餘言論

述頗詳先君子得其稿藏之至乾隆丙子當道接准楚咨下

縣時公已無後人族衆更立光錦上公事狀并抄呈此記縣
爲據詳雖見抑於當事而事蹟得傳賴是記也頃因彙錄卷
宗以俟後舉覺其中尙有未盡合者如云黔有羅公山周五
百里四面險絕絕頂一池廣千頃友龍盤踞其中屢出圍城
杭厘浦太史作公傳據之考黔陽縣志災異志載順治四年
丁亥十一月 王師取黔五年五月靖州降鎮陳友龍叛知
縣周文煜被執死之是後亂兵馬盡忠王進才據羅翁山袁
宗道張光萃據泝水出掠遠近城野爲墟十五年 王師取
滇再入版圍則是踞羅翁者馬王二賊也友龍旣據靖州以
叛何復窟宅于羅翁耶今爲節去記又云一日西出畧地卒

遇賊金橋被圍誘降不從遇害無催餉及被執之事據湖南
巡撫咨文內開某赴會同催辦兵糧突遇賊于洪江又黔陽
志云陳友龍叛公被執于洪江死之沅州府唐珠看云某赴
洪江地方催辦兵糧被執誘降不從遇害全家陷歿湖南藩
司看云某被執友龍厚禮誘降不屈館於別室復使人勸之
終不屈遂遇害又陳宏謀湖南通志忠烈傳所載云云詳畧
不同其言見執無異觀康熙三十年于公詳文以許遠爲比
正韓昌黎所云與巡死先後異耳此蓋由光輪乞記時諱言
被執而督餉則聞之未詳也廣業以事關忠烈必宜核實因
參考眾文咨訪遺獻別擬此傳入之家乘先是光輪幕遊有

志請 旌未逮將黃記及逃葬詩數則彙刻一册呈秦中當事求其咨楚不報適有不宗海鹽人周光鏞得之後犯事抵嘉興府案冒稱忠裔得免罪旣矐光輪客死無嗣而吾家居硤石者五重偉光及元隴三公先後皆合門殉難他或徙或絕光錯遂生覬覦赴海寧呈請旌卹稱公次房嗣孫應得廕卹申 憲批飭核族始知之時廷元遷居蘓州推序應以其子繼光輪方咨楚俟覆而廷元及子相繼歿故未及題奏乃其事實發於光鏞可異也至光錦之請本昉於楚撫咨查竟格于本省當事嗟乎公不難以勤事死而後人謀表章者合楚浙凡四舉而卒不果何其難也然

聖朝褒卹隆恩不遺微末同時辰州知府大興王任杞由崇正
壬午舉人莅辰亦被執不屈死闔門四十口皆縊 恩予卹
廕事載畿輔通志忠烈如公經百餘年忠魂耿耿豈終湮晦
者哉乾隆戊寅秋九月族孫廣業識

穆仲公殉節看詳始末



殉節捐軀雖人臣服官之常分而成仁取義實 朝廷褒錄所
必加故死勤事者非冀榮名于身後而崇褒錄者必考行事于
生前查前任黔陽知縣周文煜射策于定鼎之日筮仕于恢復
之初當遵渚鴻飛著勤勞于撫字值負嵎虎視矢大義以忘身
陳友龍釁起伏戎勢若子奇之荼毒周知縣餐刃不變甘同許

遠之忠貞甚宏碧血三年心猶戀主望帝哀啼五夜魂未還鄉
 百口仳離全家陷歿趙武之孤何在杞梁之骨未收雖當事之
 表彰闕焉未舉而斯民之愛戴久而彌深考諸縣志既有紀載
 之文質諸老成復非影響之說不敢壅蔽下情謹此具詳上達
 伏乞俯察輿情轉詳上請用以表孤忠而垂名教其有裨于世
 道綱常者良不淺也

康熙三十年黔邑紳衿耆民向文煥等呈請卹典前任于公棟如詳沅州府看語

查前任黔陽縣周故令殉難月日雖無可考而合門殉節誌乘

炳據潛德幽光所宜表彰浙省係詳請 旌表非祀名宦例應

浙省本籍具 題卽飭縣府照例出結由司叙具切看妥詳呈

請查核咨覆請旌

乾隆十六年公從孫廷元一件呈驗事蹟等事海寧縣劉守成詳請浙撫永貴咨湖撫楊

查明楚省死節事實經前令張天如造具事蹟冊結奉湖撫楊僉開云云續經前令鄒錫彤查具事寔冊結查據咨覆

前令周合門殉節已入邑乘時緣郡賊竄據幾無噍類以故

履歷無考事實云亡耿耿忠魂未邀入祀者百年于茲第碧血

久枯口碑未絕既於康熙年間由來紳士之請又乾隆十六年

詳有咨覆之批茲蒙上憲纂修省誌念切闡幽卑職忝司此土

敢不臚列以陳惟是案已歸浙彼省題准旌表與否未奉

咨覆明文仰懇轉詳咨查浙省如已題允旌表應請入祀

卑縣明宦祠內則歷久忠魂終歸昭著感恩厚德靡涯矣乾隆二十

一年黔令詳府由府轉詳請載省志及咨浙撫文詞

黔陽縣順治己丑年知縣周係浙江人丙戌進士到任三

月值陳友龍之叛赴洪江地方催辦兵糧被執誘從不屈遇害

全家陷歿 沅州府知府唐珠核看文詞

原任沅州府黔陽已故知縣周館 係浙江人丙戌進士順治

六年蒞任甫經三月值降鎮陳友龍復叛該縣赴洪江地方催

辦兵糧被執友龍厚禮誘之不屈館于別室復使人勸之終不

屈遂遇害妻子皆為所殺全家陷歿 湖南布政使司復勘語

人皆矜式名賢有祭社之文命記功宗元祀崇配廟之饗圭璋

特達徵懿好之同心黍稷惟馨洽明禋之薦食誼闡風教情切

鄉閭伏見已故黔陽縣知縣周浙者聰慧夙成勤敏自勵詩禮

克敦家學不愧過庭律度恪遵儒宗無慚鼓篋髫齡八泮芹藻

名馳弱冠成均豹虎文蔚王戎骨立幾遺死孝之譏陳實星占
共矢難兄之嘆經窮繁露誓不窺園家散素封情深管庫龍門
雁塔連拔螯弧險邑貪泉頓驚薤本盡忠補過久懷進退之思
匡國安民時愍文武之業治值鼎興之日事當盤錯之途輿
人之誦撫循甫三月而羣推愛戴叛賊之驚鄙野環一邑而時
動烽烟防禦雖良無如寡弱枝梧有力奈迨窘窮悲鳴項羽之
騅挺身殺將痛洒虞姬之淚閭戶亡骸魂孤山澤之區九原誰
識夢斷鄉關之路隻影靡遺千里傳聞向深欽仰百年核實今
尙悲傷過室有離黍之歌相知無人琴之舊敦倫崇本德未忘
乎故鄉取義成仁烈久昭于异地許遠原爲同邑墳墓猶封眞

卿幸有後裔春秋時祭有爲有守實足增邦國之輝光立德立功詎可闕宮墻之俎豆黔沆謳思忠義恭懇

皇仁桑梓薦薦志鄉賢公呈台鑒伏乞俯採輿情詳稽實蹟牒縣

申詳具 題請

旨崇祀鄉賢用光鉅典庶旌揚先哲升馨亘萬古而爲昭興起

後賢遺範閱千秋而並永矣

乾隆二十一年又九月十二日合邑衿士公呈儒學請入鄉賢祠

爲題請崇祀名宦等事

臣等看得前任黔陽縣殉節知縣周浙

江進士出宰邊疆受任於開國之初殫忠于出宰之日下車

伊始值叛鎮之鴟張畧地初行遭賊徒之豕突勢屈而志不屈

飲泣洪江身亡而家亦亡銷魂黔署其盡節於順治六年妻孥

實從八十餘人殉歿之事邑乘脩載顛末前任撫臣采入省志
今准翰林院功臣館咨查自開館以來一切陣亡官員及守
土殉難人等事跡詳查造冊咨送編緝等因行司通飭遵照去
後茲據河南布政使許 等詳稱查周 守土遇奇數月中艱
難百折捐生就義八十口顛沛一心忠節著於邊隅歷百年而
英聲凜烈事實彰于楚浙合兩省而信牒斑爛考時論事旣皆
信而有徵博採旁稽復無瑕之可摘伏讀記曰以死勤事則祀
之如周 者允宜躋祚祀之班用以大昭忠之典雖其始當死
事時以搶攘而莫問孤踪卽其繼值周訛地以濶疎而尙稽閱
議外史固堪共信還期定論于廟堂邊氓久蘊私忱衆籲芳馨

于俎豆茲遇 國家表揚節義搜羅徧溯夫開 國以來洪惟

館閣風勵忠貞紀傳不遺于一命而上誠軼事昭宣之會增汗

青奕葉之光等情取造事實冊結詳送前來 臣隨會同確查無

異除冊結送部外相應據詳題請周 列祀名宦編入史冊以

彰忠節以光俎豆 臣謹具摺奏 乾隆二十四年八月初九日湖

部議 奏

附藝文

硤石鎮關廂水柵記

朱一是 近修

邑依海而城北四十里山口食其紫薇中二山則水水上鎮曰
硤石硤石道四逼盜出沒又鹽販千艘帆夜揚如不鍵之戶鎮

人佻囂又樂鬪藪奸聞四郊金鼓鼓刀而嬉或曰鎮耳不足惜
然頤中有物梗獨頤耶有如萬分之一鎮爲亂倡西邊錢塘東
連武水北徑禦兒走吳淞震澤各水一方搖櫓鳴桴棘憂蔽吳
越也周子五重作而嘆曰吾硤人必固吾圍塞亂之源爲之周
眡明算阜金鳩匠料材闢其陸四柴其巷三十有六介而暴者
勿使馳柵其水之口六柵而暴者勿使渡且夫緝晝邏夕鳴鈴
擊榔漁舟公廩旁稽四水禁行諸狂于是日中爲市道不拾遺
眠不戶扃民厥鎮者康哉飽食澆季而胥庭矣昔爲梗頤今猶
坦腹地之安危在計生熟豈不由人哉雖然鎮隅邑邑隅東南
第彈丸耳由鎮以往山簪可拔水帶可卷所在震疊得數五重

漢城周氏家乘 卷八
三
奠之鞏之刺奸植善苞桑維繫如異畝同穎異室同庇豈唯東
南卽用此渡河靖中原易反手也顧處室熙熙哺其子下有嫠
婦目盡腫矣可奈何不令人益嘆硤功哉方議始五重前余曰
費大效遲厥惟艱哉已而合流水下功不日成觀者驚神異唯
林侯子野實倡之侯民父母也信之素故勞不怨五重曰余何
力之有 爲可堂初集

義鶴記

朱一是

審山周氏蓄二鶴於囿而飲啄之有年矣乙酉秋八月審山被
兵周氏閤門死武人掠去鬻龍山祝氏祝氏再鬻溪上陳氏其
雄哀鳴不食死雌獨畱陳氏他得雄雌義不與群翔山之陽見

審山浮圖百里外飛赴焉裴徊浮圖下三日周之遺僕聞而往
觀鶴望僕踴躍投懷不去遂攜歸僕貧無以飼鶴始供魚魚不
繼繼粟已而粟絕鶴自投灶下伺僕飲啄餘粒否則竟日飢初
鶴非清池曠野勿遊至是寢處於竈與紡織傭作雜居羽毛凋
敝啞不發聲識者不辨鶴也鶴安之不卽死依故人執苦節煢
煢孤守有似乎忠臣節婦之所爲可哀也夫亂離以來死生利
害之迫雖君子不能必以節義繩人獨此鶴爲其難雖共姜泛
舟之風墨胎採薇之義奚遜焉余重其飢欲致養僧舍人或曰
非鶴志第爲記以傳之

鶴歸記

朱一是

道橋李而南六十里爲硤石兩山負壤而出亘於地之東西偏
衝起角列傑然而雄也故人之產其地者多魁岸任氣挺奇志
不群于世之常俗人焉周之五重氏用其沉勇可以謀天下卽
秘其策不試緩急尤足爲賴嘗爲里中擊奸奸伏法奸故豪雖
死家爲報仇君囊一束書買千里駿足走都下秋遂以賢書立
名於天子之國人高其風而慕之相與推重其才于是交日益
進多四方賓從鼓櫂邀而來也帆集于遊兩山之間至則造門
下出懷中刺命舍人與通曰吾願一識周君君益自奇更爲引
重開室而納之務盡其意曰吾能豪於四方之賓矣凡以爲館
亭池閣欄榭無不美几榻樽壺圖史翰籍爐磬器物之屬無不

具竹石卉樹無不森以列庭養二白鶴鶴騫而飛者也不爲常俗人近玩不可使籠而遊也亦惟性任氣魁岸而有奇志者足以近之 年京邑不守所向州若府無完壁遠近蹂躪于鋒刃禍最烈君集里中壯士得千人鼓而致之于庭下椎牛擊酒歌而樂飲畢受誠期必死後兵敗家人盡入屋後池水中君馳一騎走其室之所陳而玩者罄之其服從車馬之雍容者徙之鶴亦隨去爲海上人置與俱鶴鳥之最慧也受其豢且久不能佩主之義引領嗙爲殉將斥辱于常俗人之手得毋時時鳴悲弗遇其主者乎去三年矣一日鳴且飛止于廬舍下遊于庭隅久之不去鳴益悲似婉戀不能爲長聲也者而故哀之夫君

以慷慨能負節不卽試感國家大故一擊或不中不計其身遂
破宗而不悔其義不可謂不高矣宜益聞其風而慕之誦述不
廢也乃械戶閔然草長羅張增其蕭楚尙有故時賓從乎帆集
于兩山之間者日不乏也復有停足八門一垂顧其故墟者乎
人情當其身顯能奔走人于千里之外敗則掉頭獨徃莫有問
者勢固異也於鳥亦然臂掌暱弄則有拂拂欲憐之色一飲啄
之不時則鼓翅飛去耳將毋望其翔舞而下者乎然聞之孟嘗
有墓哀發樵兒黃公舊墟故知行惻古今悲歌感逝之懷未嘗
斷斷然遽絕于世也不得之于人而見之于其鶴鳴呼鶴曰不
群於人者耶

重葺殉節祠記

雋業 晉五

嗚呼憤貫白虹天地慘風雲之色忠凝碧血山川餘弓劍之悲
當年抗節捐軀墜虞淵而捧日此日幽光潛德昭明德以薦馨
惟我 六世族祖前明己卯孝廉五重公暨 文學瑋光公家
乘輝煌史宓彪炳運當鼎革世際傾危諸陵之玉盃徒存帝子
之銅樓盡失時則心存慷慨志切激昂欲追碣東尸北之勲爰
奮射虎斬蛟之氣悲鳴傳檄叱吒登壇裂帛爲旗喫紙成甲子
弟則盡相部勒左右則忠効驅馳大厦本非一木能支橫流直
捧寸土是塞建牙海國范道人擒之以來樹戟神亭蘓雲卿招
之卽至於斯時也洵足恃焉奈何守僅彈丸勢同捲籜趙鞅不

救連尹先亡黑霧繞關鼓聲已死青蘿結帶面色猶生空合綠
弓白挺之徒歸途早斷未平嚙指脚鬚之怒大事全非策馬結
纓招毅魄於紫薇山麓執戈衝陣緬英風於彩霞橋邊然其救
世無成情傷萬古報君以死節炳千秋固守之計維艱捍禦之
功實大關其六者四柵其水者六屹然雄鎮兩山介而暴勿馳
漘而臯勿渡允矣奠安百里朱康流之手簡洒翰如新吳若谷
之鴻文貞珉不朽况夫譽馳南國器重東林雙壁爭輝名教干
城之衛一時競爽閭閻保障之資剪豪黨以大快人心遇旱蝗
則首創平糶脩盜因呼壯士散資以起義旗瀝血揭竿灑師在
列陳籌借箸隱石有聲袁粲無歸婢妾群知畢命王琳不返妻

孥未許請逃惟忠貞講於平時斯從容見於臨事此許睢陽之
蹈義先後同符文丞相之竭忠古今台轍者也所以忠魂雖逝
烈骨都寒傳記猶存久而益顯咏歌未歇鬱而彌彰齊赴刀環
得表揚於

聖世載瞻宋廟恒思慕乎先型蓋祠之立于碖也大宗伯旣勞
鳩工庀材復建者老頭陀自合檝柴運水剝蝕豈關風雨其故
可知鼎新式煥棖題旣往不咎昔則烟荒草蔓過而傷神今且
烏革翬飛拜而思德凜凜生氣四十八人耿耿孤忠億千萬世
溪毛告潔躋茲秩祀之班輪奐聿新仰此棲神之域地周十笏
邀呵護於春豆秋籩室廣二筵想陟降於風車雲馬敬援青鏤

肅寫丹心

案此係丙辰重建告成而記也康熙年間許公汝霖剏建後
乾隆戊寅裔孫光錦重修復捐地二畝交僧人收管爲香火
之資至乾隆乙卯已燬廢無存詰其故則以所捐之地爲光
錦後人收回僧人遂失典守後嗣亦置不問時守祠僧素清
方募修惠力寺及會源橋關聖殿有功闔鎮推爲主講上人
是年二公已呈請入忠義祠而專祠反廢先子不得已呈州
請究素清愿捐建復銷案祠成之後先子旋逝無能謀所以
善後者嘉慶甲戌復燬雖志圖興復者有人至今尙畱以有
待爰記數語於後以諭來者丁亥嘉平勲懋謹識

感破賦

蔣薰 丹崖

破石孝廉沈端周宗彞余道交也端慈和宗彞剛果二子不同性皆爲余善沈喪子以悲死周當鼎革入越而亡余往來鹽州經破中徘徊四顧未嘗不流涕昔人撫琴而慟子敬聞笛而痛叔夜良不虛也爰賦曰

朝揚舡於長水兮遵蘆碕而南征風騷騷兮蘋末木葉落兮波生心恟恟兮恠鬱嗟兩破兮崢嶸草萋霜兮暈雲出岫兮帶縈悲夫秋氣之蕭瑟重以余魂之營營魂營營兮胡爲懷佳人兮不可期陸機嘆逝於多亡向秀思舊於永辭伊響像之堪尋聽鳴笛而悲之經吾友之舊廬寧無從乎涕洟何陵谷之不童涸

曾二子腐其鬚子餘申余以盟好兮締余以嘉姻痛西河之喪
 明兮竟埋玉樹於塋塵五重譽我以木鷄兮規爾龍性之未馴
 終死義為國殤兮乃不復乎先塋余時燕處兮離群咄咄兮長
 悼况策蹇於西州將慟哭兮誰告傲驢鳴兮非好酌斗酒兮何
 報挾審峰使東北觸薇岑使西倒庠日不暗舊遊之遺迹兮託

寥廓而舒愁眺

留素堂集

二忠哀辭

吳農祥 慶百

歲在丙戌海寧再破孝廉周君宗彜五重進士俞君元良仲驥
 死之孝廉之弟文學啟琦進士之兄文學元禮亦殉於難嗚呼
 哀哉識傳青蓋江表淪亡祥掩黃旗海濱盡斥銅樓帝子難從

精衛之旗玉盃諸陵徒記杜鵑之哭山靈乘豹知畏秦鞭河伯
騎鯨行愁越弩啼鳥晝下彈萬壘之琵琶代馬秋嘶踏千峰之
首蓓况夫王琳百戰引義裹尸張梯二衝含哀畢命據手掌之
勢絕羽翼之交計餉不策其有無練兵詎關於素習譬則傾一
杯而當烈焰何殊捧寸土以塞橫流猗歟周君忠能慷慨傷心
傳檄泣血登壇異軍則盡督蒼頭故老則頻求黃髮部勒子弟
糾合漁樵裂帛爲旗喫紙成甲執瑠戈而嬰戰象指金璽以式
怒蛙健將則連尹先亡盟主則趙鞅不至然猶拮据樹柵倉卒
登陴雖大臨以告哀維長呼而欲絕奮奪神亭之戟大事已非
堅營江渚之槎歸途早斷憤而嚙指怒則啣鬚已而魯柝宵聞

僅違十里楚歌夜起無復三軍月暈常圓不救滅陳之急星芒
競落已知入郢之危占卦繇於史蘇韓原說輶駘童謡於卜偃
虞館取旗身罹封疆家橫郊野若乃行臺始建幕府初開城降
而又闕崎嶇兵去而幸遭恢復則有老臣持節孤旅乘舟率鞋
鞞之偏師聯舳艫之鬪艦郡樓旣毀鎖鑰無從撫瓦礫之殘民
劣逃湯火驚荆榛之僻地祇恃江湖念我舊君訊彼父老犄角
存三分之勇析骸俟十日之期勉爾虎爭可無魚爛鼓聲已死
旆影空搖偉矣俞郎欣聆斯舉勵丹誠以防鋒鏑倚忠信而涉
波濤誓死牧圉忘生雉堞旣而聲摧風鶴跡度沙蟲邾賦久虛
莒城尤惡袁本初之賓客以其族行陶士行之生徒載其孥免

徬徨牽臂勗之後圖隱忍奉頭沒猶無益而正冠私室危坐不
移解帶空堂無言待盡遂甘釁鼓竟類懸旂嗚呼哀哉當半壁
之尙全謂上流爲可恃春水大至定走曹公別墅間遊居然謝
傳及夫樓船竟浦駭楊素爲江神草筏然油訝晉軍爲飛渡手
持符璽納質爭先躬領刀弓求降悔晚移屯要鎮分配精兵引
退牙門怯逢手版二君任非部署名在書生原遲馬塑之才未
解牛衣之困卽使臯亭拜表葛嶺傳書三宮起航海之謀七萃
有脫巾之議豈有餅罄鼎趾責諸後起之賢棟折榱崩望於旁
觀之客而矧勢臨卷籜災逼吹蓬知幾者笑其無成肥遯者憂
其不早二君橫探虎尾直溯羊腸至令辟纒妻孥易衣兄弟齊

烹鼎俎偕赴刀環侍妾則俱列市朝諸兒則共填溝壑嗚呼希
矣所恨遊魂長逝烈骨都消題識不存音徽悞歇平陵松柏空
聞鬼唱之聲吳苑梧楸猶作神遊之曲其辭曰

海月兮秋橫零露兮無聲慘將離兮不語對長劍兮崢嶸時不
可久待兮世不可以悉悟使我千秋飲恨兮氣浪浪而難平爲
君歌兮爲君舞聞太息兮音淒清君之光兮星斗之精君之志
兮河嶽之靈豈後世齷齪之能仰兮吾見其風車而霓旌

讀周公五重家傳

曹元方

公名宗彞號五重寧之硤川人也中崇禎己卯鄉薦爲
人任俠自喜嘗報父讐傾中翰吳中彥家發其子徵秀

不法事服上刑乙酉六月 大兵臨浙五重曰是吾效
節致命之秋也七月率父老子弟毀家倡義怨家上變
請兵密勦八月十五日兵猝至五重策馬南渡骸骨不
知所終或云爲兵所刃或云爲怨家所殺妻卜氏妾王
氏張氏子明球以衣帶相結牽連赴後園青蘿池以死
其弟瑋光主營事執戈陷陣戰敗而歿一門死者六人
鄉人哀之家傳避禍支離恐相沿失傳作詩以紀其事
公論難伸爲避嫌如君慷慨德猶潛弟兄擐甲死戈戟子姓含
毫多顧瞻遂使千秋風烈烈頓令一日氣淹淹請將紙上支離
語痛寫登壇兵律嚴 夜半杜鵑枝上鳴思君殉難淚縱橫黃

童曾訝棘門戲青史方知石室榮節義皆由志士立乾坤還仗

壯夫撐請看纍纍降旂下只為全軀保令名 忠魂已逝氣猶

生畱得人間不朽名有弟執戈衝入陣獨身策馬結長纓報君

以死千秋業救世無成萬古情妻子可憐同志節趙家地上死

分明 見淳邨詩集

破石行 為周宗彝作



蔣 薰 丹崖

破山嵯峨長水深義旗初起散黃金田橫島中五百士揭竿瀝

血同一心此時意氣務再造大言不獨脩群盜激下材官鹽販

徒綠弓白挺來問道同學諸生盡從軍

自注鄭雪昉潘廷璋等廣案雪昉字濯師廷璋

字美 投筆爭誓捐軀報整師海上高牙新回戈生擒范道人風

含

聲遙應由拳北七十老臣

自注刑部尚書徐石麟

來觀兵遺書故人何不

出張公欲用蕪雲卿入秋橋李勢不敵屠城殺將膏鋒鏑守此
彈丸何其愚椎牛饗士猶堅壁中天明月刁斗寒醉眠解甲夜
方闌黑霧繞關金鼓震壯夫奮臂左右盤嗚呼斬蛟射虎氣未
平空成一死身後名

青蘿池

為周氏全家四十二口殉節處舊有義鶴見為可堂集

朱爾邁

日觀

洪池流瀼瀼貞松挺峩峨上枝栖白鶴下枝糾青蘿青蘿本小
草之死矢靡他濯根清冷水仰照希陽和誰知日車側風雨摧
南柯松爛草亦絕枝葉難切摩空留孤鶴在顧影叫層波逝將
啣汝去天地皆網羅網羅不敢避長夜哀鳴多

南國二家詩

周氏蒙難所蓄雙鶴再易主去三年矣百里飛歸義之有

賦

朱一是 近修

一羽歸非主三年復憶鄉長鳴悲瓦礫翹足弔池塘夜影明孤

月秋肩聳薄霜舊恩懷飲啄洒血抑何傷為可堂詩集

令原祠 在紫微山卽州志周孝廉祠也乾隆戊寅重修族孫思顏曰令原

廣業

鹽官城頭陣雲黑食其山下金鼓逼 新朝傳檄定江南豈有

頑民遷未得桀犬由來知吠堯當車竟爾矜螳力斬關直入破

中堅長戟短兵奮誅殛嗟茲伯仲無專城帝畿千里偏知名羽

書閣部飛何急遂令國重身家輕舟師一出不再返婢妾何人

忍獨生况復納腸耐苦戰頸血淋漓屍交橫英雄成敗歸論定

孤忠安計負與勝墟里蒼茫偃義旗百年此事傳志乘祠堂
始許秩宗三楹翼翼臨山磴欲識當時急難心兩兩離渠歸路
暝

硤川四截句

吾祖明徵君澹齋公始築室硤川命幼子硤樵公居之
數傳而後宗枝鼎盛自明季五重公伯仲及 國朝元
隴公兩殉國難義聲難振家以破亡嗚呼魂歸故國空
畱顏氏之祠血染邊城莫弔杞梁之骨燕葵兔麥俱可
傷心喬木平池無由徵史爰於舟次聊述哀詞質採風
者

荒祠寂寂枕山阿危國偏聞倡義多遺恨江南飛羽檄獨留雙

鶴守青蘿

硤樵堂構鎖烟霞血濺山橋報國賒蕭瑟睢陽墳下樹一堆俠

骨覆塵沙

偉光公墓去許遠墓數武故云

和靖高風洵可追艱難吾道託新詩卻因戲寫葡萄架邑里群

呼老畫師

文學青羊公五重公從兄也隱居山中戲畫墨葡萄識者推溫日觀後一人而已事詳家傳

擾攘巖疆百口捐洪江熱血至今憐篤忠兩世齊心跡碑版行

看照下泉

謂穆仲公殉節事

題黔陽公死事冊

忠毅如公未易尋龍標哀角夜初沉莫言血戰孤臣賤劍氣南

銷問鼎心

一死何心結主知握拳透掌亦何辭
洪江驛口流鳴咽感戴空

深報政時

筭是興朝抗節臣羅公山下黥烟塵更誰收
郤杞梁骨百口何

人返隻輪

乙卯閏二月十九日送先孝廉青蘿公文學鞠陵公栗主

八祀忠義祠恭紀

不隨社屋共銷沉

殉節錄所戴共三千六百餘人

賜祀瀛嶼俎豆歆城市後先均一死

俞公仲驤守城死節愍其兄伯昭公從死祝

賜謚

開美公死於家家五重

親姻兄弟本同心

二俞公及先二公皆胞兄弟而鞠陵公係

二公起義破石鎮死

祝公五公爵齒權衡當俞公得謚當首列既屈於兄而祝以疏

故以祝居中五重公次之左伯昭三氏曾元感頌深忠裔助祭

者二十餘人祝俞有親賴有舉行賢刺史忠魂妥侑始從今

曾元獨寒家皆旁支王君其福借鈔殉節錄歸示俞君思謙君急欲呈請入祠而未

得機會適富州尊來署州事慨然舉行于是牒請文淵閣原

書詔文及館議遵照擇日送主入祠時與事者俞與祝太史

業三人

因穆仲公後裔承襲事赴武林

百年忠蹟炳黔陽

恩綍傳宣遍海疆署藩司謝公于咨查到浙日頌刻諭竄籍妄

思延似續示載公事蹟甚詳蓋據國史傳也惟海寧人誤作寧海人當是傳寫之誤去秋脩錄公志傳呈之本州州

以籍貫不符不得妄恩濫邀曠典其於志傳成案竟不寓目此
州牧下車第一呈也其荒謬已如此或曰此劣幕之過也走控
今藩憲汪公值台州府寧海縣徐令詳稱有七世
孫周丰堪以承襲由府結送司發杭府查辦
更張杭守鳴卽行勸寧海取據及縣志令不得已復請息銷杭
府卽行海寧州取結州護前非故作翻案爲延挨之計
區區俗吏知何事落落孤忠久益彰畢竟政權歸一是漢家太
守重賢良



案是案於乾隆六十年九月呈州張請襲州不准行奔控當
事又有台府冒襲事府銷案行州取結州轉輾作難混詳延
擱者半載有餘後值張去任署州汪公具詳出咨至嘉慶四
年始奉部覆

蓼莪詩鈔序

思近野

聖賢言中必繼以庸蓋中爲理之不易而爲人所與能無如能
之者卒鮮申生苟息猶有譏焉夫至情至性本乎天真愚忠愚
孝雖不協於中卜子所謂未學而無愧於學亦不妨爲格外之
取莫階族弟宗族鄉黨素重其孝歲甲寅丙辰傳其屢次剖肺
割股以療親病親病尋愈壽登大耋其事隱不使人聞窺其意
若以貧困無資迫於不得已有嗚咽不欲明言之態是蓋發乎
至誠豈肯藉是以弋取佳名乎往歲五十初度戚友贈詩序其
事以爲祝嘏之資囑予序而行之因思忠孝本性成而 祖宗
詩書沐浴久而未絕余家三孝子久垂邑乘而明季迄 國朝
五重偉光穆仲三公先後殉節家乘輝煌忠孝之傳其來有自

宜弟之有此不畏難也乾隆乙酉秋日書於潮音山房

附許道基序一首

館

洛溪之北余先塋在焉今秋乞假歸省時往復松城柏郭間適周子萇階設帳村塾手一編示余則周子曾割股剖肝以療其親同人義之作歌以揚其美者也夫介推剛股特以濟飢若瘳身療母始見魏張密析肝供父爲香山阮與子而唐時陳藏器本草拾遺謂人肉可治羸疾自是民間以父母故多割肉以進唐書采列其名後之史氏因之夫情之所不自已者聖人弗能禁人當齋帷傍徨扁盧束手忽焉至情觸發頓以鋒刃此其時豈復料已之生并料親之必生哉卒之至

誠感神默承呵護然則韓子之論鄂人與明高皇著令不旌
者是猶禮戒毀滅以坊賢者之過持其理守其經卽不得復
閱其情若周子之孝所謂情之至者歟夷惠爲百世師紫陽
擬之薑桂大黃取其入人之深也讀是編知同人之深于言
情而余益愴然于重阜之旁者蓋亦同觸此情也夫乾隆乙
酉嘉平月拜書於高陽橋西草舍

族弟冀階剖肺割股以療親病同人賦詩以贈率成

思近墅

古人論忠孝有以愚爲名非不深責脩亦頗婉推情詩書未探
討信道本非精愿慤出天性世故莫能撓矢其爛熳姿感觸一

以誠聖門過高行鈍魯等孩嬰何況村俗子天真心膂傾吾宗
奠階弟渾厚自生成如玉尙在璞圭璋隱含英太羹明水味鹽
梅未調烹髮膚爲靚枝落葉擁根撐邑考賜醢慘漢祖分杯驚
充類至義盡老莊禮教輕聖死大盜止剖斗而折衡召門啟手
足大道自平平倉皇不自檢號泣誰與明百身不惜贖敢愛此
孤丁德色借耰鋤苗莠豈同萌一飯亦一飯瑕瑜璧不更至孝
格彼蒼松柏榦崢嶸視此奇瑰行吾亦忝所生

五十志感四律錄一

浙

光朝 奠階

惟日依依侍二人何期疾病厄尊親禱祈盡數難依力調補無
方可駐春漫託肢骸爲藥餌敢將心膂作功臣幸逢天眷家庭


樂藉藉虛聲惜苦辛

莫階兄割股救親詩以紀之

維誠 象九

獨行千秋有幾人三刲兩股進雙親每當血月淋漓侯隨轉椿
萱回復春二豎不煩秦緩術一蛇似勝晉文臣推移造化歸誠
格不負揮鋒困苦辛


浙江圖書



浙江圖書館



浙江圖書館



洛塘周氏家乘

卷柒下

卷捌


第柒册

浙江圖書館

921.512
7722.13



浙江圖書館



Centimetres **TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black